

四庫全書

子部

欽定四庫全書

子部

玉海卷一百七十一

詳校官中書臣張經田

主事臣祁韻士覆勘

總校官進士臣朱鈐

校對官編修臣盧遂

謄錄監生臣潘沛然

欽定四庫全書

玉海卷一百七十一

宋 王應麟 撰

宮室

苑園 園

隋天文志天苑十六星在昴畢南天子之苑園詩正義有蕃曰園有牆曰園漢書注養鳥獸曰苑苑有垣曰園種植謂之園

黃帝東園 黃帝園

說苑辨物黃帝即位宇內和平鳳集東園食竹實棲桐
樹 又選七命鳴鳳在林影於黃帝之園注禮瑞命記
曰黃帝齋于宮鳳止帝園 莊子仲尼曰狶韋氏之園
黃帝之園有虞氏之宮湯武之室 拾遺記黃帝為養
龍之園

湯園

淮南子秦族訓湯初作園以奉宗廟簡士卒習射御戒

不虞

周靈囿

詩王在靈囿麇鹿攸伏麇鹿濯濯白鳥翯翯注囿所以
域養禽獸也天子百里諸侯四十里靈囿言靈道行於
囿也箋云文王親至靈囿言愛物也疏鄭駁異義云於
臺下為囿沼 孟子與民偕樂故能樂也文王之囿方
七十里於傳有之與民同之民以為小 黃圖周靈囿
文王囿也

引毛詩注

靈者言文王有靈德也在長安縣西四

十里

一本云四十二里

班固東都賦因原野以作苑制同乎

梁鄒義合乎靈囿注魯詩傳曰古有梁鄒者天子之田

也 賈誼新書駟者文王之囿虞者囿之司獸 唐徐

元弼有靈囿賦 春秋成十八年築鹿囿昭九年築

郎囿 公羊傳注天子囿方百里公侯十里伯七里

子男五里皆取一也

周圍人

地官囿人中士四人下士八人掌囿游之獸禁牧百獸

注園今之苑圃游園之離宮小苑觀處也疏古謂之園
漢家謂之苑 天官閹人園游亦如之注園御苑也游
離宮也 揚雄曰禹任益虞而上下和草木茂
成湯好田而天下用足文王園百里民以為尚
小齊宣王園四十里民以為大裕民之與奪民
也

魯矍相圃

後漢郡國志魯國有闕里孔子所居注禮記矍相之圃

亦在城中西南近孔子廟

秦五苑

韓非子秦大饑應侯請曰五苑之草著蔬築橡果
棗粟足以活民請發之昭襄王曰云云 左傳鄭
有原圃猶秦之有具圃注滎陽中牟縣西有圃田
澤

漢靈囿

馬融廣成頌大漢之初基也宅茲天邑揆厥靈囿營于

南郊 揚雄校獵賦帝將田于靈之囿注靈德之範圍也 張衡西京賦在彼靈囿之中 東京賦悉率百禽鳩諸靈囿

漢思賢苑

黃圖

西京雜記同

文帝為太子立思賢苑以招賓客苑中有

堂皇六所客館皆廣廡高軒屏風褱褥甚麗

此苑他書不載不知

屬何地

廣陵王嘗於別囿學格熊

漢梁王兔園

史記梁孝王築東苑方三百里是曰兔園 枚乘有梁
王兔園賦修竹檀藥夾池水旋菟園並馳道 文選雪
賦梁王不悅遊於兔園注西京雜記曰梁孝王好宮室
苑囿之樂築兔園 史年表秦二世元年十一月為
兔園

漢上林苑 上林八川

長安志上林苑本秦舊苑也漢書曰武帝建元三年置
又曰武帝廣開上林周袤數百里

見揚雄傳

武帝微行始出

建元三年北至池陽西至黃山南獵長楊東遊宜春詔隴西

北地良家子能騎射者從遂有期門之號以為道遠勞

苦又為百姓所患乃使太中大夫吾丘壽王與待詔能

用算者二人舉籍阿城以南

本秦阿房宮也

蓋屋以東宜春以

西提封頃畝及其賈直欲除以為上林苑屬之南山東

方朔諫曰酆鎬之間號為土膏其賈畝一金今規以為

苑絕陂池水澤之利而取民膏腴之地因奏秦階六符

之事上拜朔為太中大夫然遂起上林苑如壽王所奏

云見東方朔傳宣帝神爵四年十二月鳳凰集上林乃作鳳皇

殿以答嘉瑞見郊祀志及宣紀有昆明觀菡觀平樂觀柘觀有

令有尉黃圖上林苑建元三年開周袤三百里三輔故事

曰上林延亘四百餘里漢舊儀曰上林苑方三百里漢宮殿疏曰

方三百四十里苑中有儲元宮馮昭儀居又有菡觀遠

望觀象便門白鹿三爵鼎郊樛木走馬上蘭等觀漢

舊儀上林苑中廣長三百里置令丞右左尉苑中養百

獸天子春秋獵射苑中取禽無數其中離宮七十所容

千乘萬騎武帝時上林苑官奴婢及天下民貧貲不滿

五十萬徙置苑中

卜式牧羊
上林中

八萬五千餘帝得七十億

萬以給軍擊西域

西京雜記初修上林苑羣臣遠方

各獻名果異卉三千餘種植其中亦有制為美名以標

奇麗也

關中記上林苑門十二中有苑三十六宮十

二觀二十五

上林賦天子之上林左蒼梧而右西極

丹水更其南紫淵徑其北始終灞澗出入涇渭鄴鄆潦

滴紆餘委蛇經營其內蕩蕩乎八川分流相背異態崇

山直矗矗巖嵒崔嵬深林巨木嶄巖參差九峻截薛南山
峩峩離宮別館彌山跨谷高廊四注重坐曲閣華棟壁
璫輦道纒屬步櫚周流長途中宿夷峻築堂累臺增成
背秋涉冬天子校獵乘鏤象六玉虬拖蛺旌靡雲旗前
皮軒後道游孫叔奉轡衛公參乘扈從橫行出乎四校
之中鼓嚴簿縱獵者江河為陸秦山為槽車騎雷起殷
天動地亡是公言上林廣大山谷水泉萬物西都賦西郊則有上囿禁
苑林麓藪澤陂池連乎蜀漢繚以周牆四百餘里離宮

別館三十六所神池靈沼往往而在其中乃有九真之
麟大宛之馬黃支之犀條枝之鳥踰崑崙越巨海殊方
異類至于三萬里盛娛遊之壯觀奮大武於上圓因茲
以威戎夸狄耀威靈而講武事 西京賦上林禁苑跨

谷彌阜東至鼎湖邪界細柳掩長楊而駢五柞繞黃山
而欵牛首繚垣繇駢四百餘里植物斯生動物斯止衆
鳥翩翩羣獸駉駉伯益不能名隸首不能紀 校獵賦

武帝廣開上林東南至宜春鼎湖

晉灼曰鼎湖宮名也

御宿昆吾

旁南山而西至長楊五柞北繞黃山瀕渭而東周袤數
百里游觀侈靡窮極麗妙頗割三垂以贍齊民開禁苑
散公儲 匈奴傳贊匈奴背約束是以文帝中年赫然
發憤遂躬戎服親御鞍馬從六郡良家子材力之士馳
射上林講習戰陣聚天下精兵軍於廣武 衛瑄傳景
帝幸上林詔中郎將參乘 郅都傳為中郎將常從入
上林 平紀建始元年春正月罷上林詔獄秋罷上林
宮館希御幸者二十五所 百官表水衡都尉掌上林

苑元鼎二年置屬官有上林令丞尉又有甘泉上林長

丞又步兵校尉掌上林苑門屯兵少府屬官有上林中

十池監

文帝問上林尉禽獸簿拜書夫為上林令
遂傳水衡典上林禁苑共張宮館 揚雄上林

苑今箴曰田或三驅不可
過差 谷永為護苑使者

後百官志上林苑令一人

六百石主苑中禽獸

在長安縣西南一十里周二十四
里 元和志云在縣西北十四里

周匝二百
四十里

後循吏傳光武損上林池籩之官 馮異

傳建武三年異屯軍上林苑中懷來百姓三歲上林成

都 馬援傳以三輔地曠土沃求屯田上林苑中許之

明紀永平十五年冬車騎校獵上林苑注周禮校人
掌王田獵之馬故曰校獵以木相貫穿為攔校以遮禽
獸章紀建初元年七月辛亥詔曰上林池籩田賦與
貧民注籩禁苑也楊賜傳先帝之制左開鴻池右作
上林注鴻池在洛陽東上林在西李尤有上林苑銘
見文選注東京賦大閱西園注上林苑說文鎬武王所
都在長安西上林苑中

漢甘泉苑

又見
宮類

黃圖甘泉苑武帝置緣山谷行至雲陽三百八十一里
入扶風凡周四百五十里苑中起宮殿臺閣百餘所苑
中有仙人石關封巒鳩鵲觀 洞冥記昭祥苑在甘泉
宮西周十里萬國獻異物皆集此中 漢書注晉灼曰
黃圖波浪二水名也在甘泉苑中

漢長門園

東方朔傳竇太主獻長門園更名長門宮注如淳曰園
在長門長門在長安城東南可為宿館故獻之

漢淇園

溝洫志元封二年上使汲仁郭昌發卒數萬人塞瓠子
決河下淇園之竹以為楗注晉灼曰淇園衛之苑也

瓠子歌隕林竹兮隄石蓄 章紀建初七年幸偃師至
河內遂幸淇園 寇恂傳光武拜為河內太守恂講兵
肄射伐淇園之竹為矢百餘萬

漢博望苑

戾太子傳太子冠為立博望苑使通賓客從其所好

成紀建始二年秋罷太子博望苑以賜宗室朝請者

黃圖長安城南杜門外五里有遺址 元和志博望苑

在長安縣北五里

或曰苑在長安城外漕渠之水經注昆明故渠之北

漢樂游苑

宣紀神爵三年春起樂遊苑注師古曰三輔黃圖在杜

陵西北又關中記云宣帝立廟於曲池之北號樂游

在秦

為宜春苑 黃圖曲池 漢武所造周迴五里

案其處則今之所呼樂游廟者

是也其餘基尚可識焉蓋本為苑後因立廟 西京雜

記樂游苑內生玫瑰木木下多苜蓿名懷光時人或謂之光風風在其間常肅肅然日照其花有光采故曰苜蓿為懷風茂陵人謂之連枝草 兩京新記宣帝樂遊

廟亦名樂遊苑亦名樂遊原基地最高四望寬敞

文選顏延之讌曲水詩注水經注曰舊樂游苑宋元嘉十一年以其地為曲水 范曄樂游應詔詩注丹陽圖

經曰樂游苑官城北三里晉時藥園 梁亦有樂游苑

天監元年八月癸卯鷺鳥見樂游苑大同四年九月閏

武于樂游苑

丘遲侍宴樂游苑

唐玄宗樂游園宴詩云地入

南山近城分北斗餘

漢宜春下苑 水衡禁園 嚴籞

元紀初元二年三月詔罷水衡禁園

表水衡有禁園今丞兩尉

宜春

下苑

必別有上苑

少府飲飛外池嚴籞池田假與貧民

揚雄曰顯

割其三垂以贍貧民即指此也

注師古曰宜春下苑即今京城東南隅

曲江地是晉灼曰嚴籞射苑也

宣紀池籞注蘇林曰折竹以繩縣連禁籞使人

不得往來律名為籞應劭曰禁苑也臣瓚曰籞以養鳥許慎曰嚴弋射者所蔽也

貢禹傳元

帝即位奏言獨舍長安城南苑池以為田獵之圃自城西南至山西至鄠皆復其田以與貧民天子納其言廼下詔今省宜春下苑以與貧民黃圖宜春下苑在京城南隅宜春之名漢史凡三出實為兩地曰宜春苑者地屬下杜宜春春宮即苑中宮也皆秦初曰宜春

春觀者則在鄠縣漢武所造

東方朔傳武帝東游宜春上林賦曰

息宜春師古曰宮名在杜縣東即唐曲江也

賈山傳至言曰陛下

文帝即位去諸苑以賦農夫鹽鐵論大夫曰田

收之利池籩之假以贍諸用文學曰縣官多張
苑圃公田池澤非先帝所開苑圃池籩可賦歸之
於民

漢御羞苑

百官表水衡都尉屬官有上林御羞

兩丞

九官今丞

又有禁圃

今丞兩尉

注如淳曰御羞宜春皆苑名也師古曰御宿今長

安城南御宿川也羞宿聲相近如淳曰御羞地名在藍

田其地肥沃出御物揚雄謂之御宿

揚雄傳注師古曰御宿在樊川西

元后傳夏遊御宿鄆杜之間注師古曰御羞苑在長安城南今之御宿川是也 三輔黃圖御宿苑在長安城南御宿川中漢武為離宮別館禁禦不得人往來游觀止宿其中故曰御宿

漢池苑

詩正義澤蘭廣而長節節中赤高四五尺漢諸池苑及許昌宮中皆種之

陸璣疏云

禮迹人注田之地若今苑也

高紀二年十一月故秦苑囿園池今民得田之

注見前

霍光傳雲多從賓客張圍獵黃山苑中 曹參傳相舍
後園近吏舍

漢芳林苑

文選東京賦濯龍芳林九谷八溪薛綜注洛陽圖經曰
濯龍池名芳林苑名

漢濯龍園

又見
宮類

西園 南園

馬后紀顯宗每幸濯龍並召諸才人請呼皇后帝笑曰
自家不好樂雖來無歡以遊娛之事希從焉后蠶于濯

龍中 桓帝好神仙延熹九年親祠老子于濯龍 百

官志濯龍監一人本注曰濯龍亦園名近北宮南園丞

一人本注曰南園在雒水南 東京賦濯龍芳林九谷

八溪

薛綜曰洛陽園經曰濯龍池名故歌曰濯龍望如海河漢渡似雷

歲惟仲冬大閱

西園

西園上林苑

續漢書濯龍園在洛陽西北角

漢廣成苑 上林廣成園

後紀和帝永元五年二月戊戌詔自京師離宮果園上

林廣成園悉假貧民恣得采捕不收稅 安帝永初元

年二月丙午以廣成游獵地及郡國公田假與貧民三年四月己巳詔上林廣成苑可墾闢者賦與貧民順帝永和四年十一月丙寅幸廣成苑桓帝延熹元年十月校獵廣成遂幸上林苑六年十月丙辰校獵廣成遂幸函谷關上林苑靈帝光和五年十月校獵上林苑歷函谷關遂狩於廣成苑十二月還幸太學續志河南新城有廣成聚有廣成苑列傳鍾離意顯宗時為尚書僕射車駕數幸廣成苑意當車諫以為從禽廢

政天子即時還宮 張禹延平元年上言廣成上林空

地宜假貧民從之 馬融鄧太后臨朝寢蒐狩之禮元

初二年上廣成頌以諷諫

注廣成苑在今汝州梁縣西

元年以來戒

懼災異躬自菲薄荒弃禁苑方涉冬節農事間隙宜幸

廣成覽原隰觀宿麥勸收藏因講武校獵詩詠圃草樂

奏駒虞大漢之初基也宅茲天邑總風雨之會交陰陽

之和揆厥靈囿營于南郊周陸環瀆右轡三塗左概嵩

嶽面據衡陰背箕王屋浸以波澆黃以榮洛至于陽月

林衡戒田校隊案部前後有屯甲乙相伍戊己為堅虞
人植旂獵者効具車弊田罷旋入禁園棲遲乎昭明之
觀休息乎高光之榭以臨乎宏池收功道德之林致獲
仁義之淵忽蒐狩之禮闕槃虞之佃于今十二年方將
采清原嘉岐陽北棘反旆至自新城背伊闕反洛京
陳蕃延熹六年車駕幸廣成校獵上疏諫曰人君有事
苑囿唯仲秋西郊順時講武殺禽助祭 水經注汝水
東與廣成澤水合

漢西苑 顯陽苑 鴻德苑

順紀陽嘉元年起西苑修飾宮殿 桓紀延熹二年七

月初造顯陽苑置丞 郎顛傳繕理西苑 東觀記延

熹元年三月己酉置鴻德苑今扶六 晉宮閣名洛陽

有洪德苑靈崑苑平樂苑

漢畢圭靈昆琨苑

靈紀光和三年作畢圭靈昆苑注畢圭苑有二東畢圭苑周一千五百步中有魚梁臺西畢圭苑周三千三百

步並在洛陽宣平門外 楊賜傳為司徒帝欲造畢圭
靈琨苑上疏諫曰今城外之苑已有五六宜推夏禹卑
宮太宗露臺之意 昭紀元鳳三年春正月罷中牟

苑賦貧民

在滎陽

漢直里園

後百官志直里監一人四百石注直里園名在雒陽城
西南角 三秦記有漢武帝果園

魏玄武苑

魏都賦苑以玄武陪以幽林繚垣開園觀宇相
臨表清籟勒虞箴樵蘇往而無忌即鹿縱而匪
禁注玄武苑在鄴城西苑中有魚梁釣臺竹園蒲陶
諸果

魏芳林園

魏書文帝黃初四年冬甘露降芳林園

臣松之按芳林園即華林園齊

王芳即位
改為華林

魏畧明帝青龍三年於芳林園中起陂池

楫擢越歌又曰明帝起土山於芳林園西北陬使公卿

羣僚皆負土成山立松竹雜木善草於其上捕山禽雜獸置其中 高堂隆傳景初元年起景陽山於芳林之園隆上疏諫 漢劉寬傳靈帝初拜太中大夫侍講華光殿注洛陽宮殿薄曰華光殿華林園內

魏銅爵園

魏都賦注文昌殿西有銅爵園園中有魚池銅爵園西有三臺中央銅爵臺南金鳳臺北水井臺 初學記魏

有桐園

吳桂林苑

吳都賦數軍實乎桂林之苑注吳有桂林苑 南朝宮
苑記桂林苑在落星山之陽南苑在臺城南鳳臺山
陶季直京都記建康縣北吳朝為桂林苑

晉瓊圃園

晉宮闈名洛陽宮有瓊圃園靈芝園鄴有鳴鶴蒲陶園

晉華林園

羅憲傳侍宴華林園 左貴嬪傳每游華林輒回輦過

之 應貞傳武帝於華林園宴射貞賦詩 官志大鴻

臚統華林園鈎盾等令又有鄴玄武苑丞 文選應吉

甫華林園集詩注洛陽圖經曰華林園在城內東北隅

魏明帝起名芳林園齊王芳改為華林干寶晉紀曰武

帝泰始四年二月幸芳林園與羣臣宴賦詩 應吉甫詩
最美 選

注又云晉宮闕名曰華林園有萬年木十四株 後
漢劉寬傳注洛陽宮殿簿曰華光殿在華林園內

詩七月正義晉宮閣名云華林園中有車下李 潘尼

有後園頌云講論華林肆射後園 宋書祖

冲之直華林學省 齊書永明九年幸芳林

園禊宴敕王融為曲水詩序

南朝宮苑記芳林苑一名桃花

園本齊高帝舊宅在秦淮大路北王融曲水詩序乃睪芳林即此也

初學記晉

有平樂鹿子桑梓諸苑並在洛陽

見晉宮名河南十二境

薄曰洛陽城西有桑梓苑

通典北齊太子監國在西林園

冬會葦臣

晉春王園

文選陸士衡詩逍遙春王圃躑躅千畝田注晉宮閣名

曰洛陽宮有春王園

又東京賦注宮閣記有春王園

梁建興苑

初學記有紀少瑜遊建興苑詩

唐司竹園

馬三寶傳高祖幸司竹園顧謂曰汝興兵處邪

平陽公主舉兵

於司竹園

漢書注師古曰芒竹在蓋屋南界芒水之曲多

竹林即今司竹園是其地 元和志司竹園在蓋屋縣

東十五里史記渭川千畝竹 隋圖經司竹園在熱屋

縣東十二里穆天子西征至元池乃植竹即此是也史

記曰渭川千畝竹漢謂鄠杜竹林故有司竹都尉西都

賦所謂鄠杜濱其足竹林果園芳草甘木也

唐禁苑

長安志禁苑在宮城之北

隋曰大興苑開皇二年置唐大內有三苑西內苑東內

苑禁苑三苑地廣故唐世多於苑中閱兵

東西二十七里南北二十里東接

霸水西接長安故城南連京城北枕渭水西即太倉倉

北距中渭橋與長安故城接故城東西十三里南北十

三里亦隸苑中有四面監

穆裕太宗時為苑西監

南面為長樂監

北面與銅漢故城謂舊故宅監東西面各以本方為名

分掌宮中種植及修葺園苑等又置苑總監都統之

鍾紹

京景龍中為苑總監

皆隸司農寺苑中宮庭凡二十四所南面三

門中曰景曜門東曰芳林門西曰光化門東面二門南

曰光泰門北曰昭遠門西面二門南曰延秋門北曰元

武門北面三門中曰啟運門東曰飲馬門西曰永泰門

苑內門九十四所見於會昌六年正月宮苑使之奏

六典有上林署今丞主苑

園園池京都苑總監有丞京都苑四面監副監掌所管

苑面宮館園池 薛元超傳高宗詔太子射獵得入禁

籓元超諫曰內苑之地繚叢薄冒翳薈銜縻之變可虞

程大昌曰昆明鑿而鎬都為池隋城立而漢京為苑

唐芙蓉園

太宗紀貞觀七年十二月

一云十月

甲寅幸芙蓉園

芙蓉園本隋離

宮居地三十頃周迴十七里 劉洙曰園本古曲江隋文帝改名芙蓉

房玄齡傳帝幸

芙蓉園觀風俗因幸其第

十七年十月壬戌幸

舊紀開元二十

年六月廣花萼樓築夾城至芙蓉園

亦見地理志

會要貞

元十四年夏京兆尹吳湊論奏掌內園芙蓉園等使資課太多宜減省從之太和九年七月庚戌造紫雲樓於

芙蓉園北垣

曲江池南即芙蓉

景龍三年正月乙亥宴侍

臣及近親於梨園亭

唐上林苑

六典上林令丞主苑園 太宗紀貞觀十八年十月癸

卯宴雍州父老于上林苑賜粟帛 蘇良嗣傳為荊州

長史高宗遣宦者采怪竹江南將蒔上苑至荆良嗣囚
之上書言狀

唐鹿苑

實錄貞觀四年十二月甲辰帝狩于鹿苑遣侍中王珪

賑賜貧人

紀云獵于鹿苑
乙巳至自鹿苑

唐洛陽苑

又見積
翠池

唐儉傳從太宗獵洛陽苑羣豕突出帝射四發輒殪四

豕一豕躍及鐙儉投馬搏之帝拔劍刺豕顧笑曰天策
長史不見上將擊賊邪何懼之甚對曰漢祖以馬上得
之不以馬上治之陛下神武定四方豈復快心於一獸

帝為罷獵

會要貞觀十一年十月

永淳中幸東都使韋弘機檢

校園苑 垂拱初尚方監裴匪躬案諸苑

唐東都苑監

舊紀永淳元年五月壬寅日置東都苑總監

未置以前隸司農

會要武德九年七月十九日置洛陽宮監

百官志京師諸園苑苑四面監

監各一人掌葺宮館園池顯慶二年

十二月十日

改青城宮

監曰東都苑北面監明德宮監曰東都苑南面監洛陽

宮監曰東都苑東面監食貨監曰東都苑西面監

實歷二年

十二月廢總監官一百二十四人歸諸軍七百三人放歸開成五年四月勅總監別置使其總監及丞簿四員

並六典禁苑在皇都之西北拒北邙西至孝水南帶

洛水支渠穀洛二水會于其間周回一百二十六里中

有合璧冷泉高山龍鱗翠微宿羽明德望春青城黃女

凌波十有一宮芳林金谷二亭凝碧之池開元二十四

年敕河南尹李適之修積翠上陽月陂 顧少連傳為
東都留守表禁苑募耕以便民 兩京記東都苑隋曰

會通苑又改為芳華神都苑周迴一百二十六里

東面七十

里南面三十九里西南五十里北面二十四里

唐梨園

見樂類

高宗紀儀鳳元年八月甲子停南北中尚梨園作坊減

少府雜匠 德宗紀大曆十四年閏月癸未罷梨園樂

工三百人 李適傳中宗時春幸梨園夏宴蒲陶

一作菊

園有所感即賦詩學士皆屬和

梨園在光化門北

舊

紀景龍四年二月庚戌令五品以上并學士自

芳林門入集梨園三月丙辰宴桃花園四月丁

亥游櫻桃園引學士等入芳林園 通鑑開元

二年正月置梨園弟子

天寶中即東宮置宜春北苑

漢有

梨園黃圖引雲陽宮記曰雲陽車箱坂下有梨

園一頃

唐杏園

會要大中元年正月勅進士放榜後杏園依舊宴集

先是

武宗禁曲江亭宴聚

曲江池西即杏園

樂史撰杏園集十卷 郭子儀

引兵自杏園濟河乃杏園渡非此也

建隆玉津園

建隆四年四月幸玉津園閱近衛諸軍騎射

十八日宴從臣一

本云建隆元年夏四月十六日乙酉幸玉津園 乾德四年二月幸玉津園閱衛

士騎射九月又幸玉津園觀衛士騎射開寶六年五月

幸玉津園觀刈麥

元祐五年三月即玉津園宴餞太師文彥博

園在南薰

門外夾道為兩園中引閔河水別流貫之周顯德中置
本朝因之三班及內侍監領兵校隸及主典二百六十

六人歲時節物進供入內仲夏駕幸觀穫麥

玉津半
以種麥賜

從臣飲宴及賞齋園官嗇夫有差又進麥穗五百秉麥
十斛麪百囊命分賜中外凡契丹朝貢使至皆就園賜
宴射凡皇城司諸園池入官者屬焉 楊侃皇畿賦景

象仙島園名玉津珍果獻夏奇花進春百亭千樹林間
水濱則有麒麟含仁騶虞知義神羊一角之祥靈犀三

蹄之瑞狡狴來於天竺馴象貢於交趾孔雀翡翠白鷗
素雉忽斷苑墻又連池籞屈曲溝畎高低稻畦越卒執
耒吳牛行泥霜早刈速春寒種遲何江南之野
景來輦下以如移雪擁冬苗雨滋夏穗當新麥
以時薦故清蹕而親至輦從千官郊陳萬騎既
親獲以云罷亦宴犒而後已 太祖自建隆元
年四月十六日至開寶九年五月十四日凡十三
臨幸 太宗自興國元年十二月二十七日

已未四年十一月十三日再幸 真宗自咸平五年四月七日觀麥至天禧四年五月七日凡十幸 仁宗自天聖三年五月十二年至慶曆四年五月十一日凡三幸

建隆金鳳園

建隆四年九月十九日五年十一月五日幸金鳳園乾德元年九月戊辰幸開寶二年十一月丙寅畋近郊還幸

乾德瓊林苑

在順天門外道南乾德二年置

興國中鑿會明池於苑北

以三班及

內侍監領池苑兵校軍隸及主典三百三十三人歲時節物進入每歲駕幸金明池則并至苑中上巳重陽唯中書密院或宗室及殿前諸司選勝賜宴遇放榜進士聞喜宴于此凡皇城司園池入官者皆隸焉 興國七

年十月十日幸淳化三年三月二十二日宴作詩景德三年八月宗室宴射元豐七年三月二日宴文彥博賜

詩 楊侃賦桂折天庭花開鳳城錫聞喜之新宴掩杏園之舊名連鑣上苑列席廣庭其北則瑞聖新名含芳舊苑四方異花於是乎見其東則有汴水之陽宜春之

苑向日而亭臺最麗迎郊而氣候先暖

堽林金明最盛以二月間命士

民縱觀上巳車駕臨幸

開寶西京會節園 永芳園

開寶九年六月九日車駕在西京幸會節園召從臣張樂宴飲 景德四年二月二十一日戊子駐蹕西京宴

宗室於永芳園近臣於會節園又命帥臣內職飲射先

二月七日甲戌幸永芳園十五日
幸廣愛寺會節園又幸魏仁浦園

後唐長興四年六

月詔宮西新園名永芳新殿名和慶

太平興國宜春苑

在朝陽門外道南本秦王園

建隆元年九月十二日二
年二月十七日三年二月

十八日凡
三臨幸

太平興國七年以迎春苑自通津門外汴水

瀕乃遷置改名以其故地為富國倉

或云以皇城宜春
舊苑為富國倉遂

遷于差三班及內臣監領軍校兵隸及主典凡二百九

十人每歲內苑賞花則諸苑進牡丹及纏枝雜花七夕中元進奉巧樓花殿雜果實蓮菊花木及四時進時花入內園苑並准此上已重陽則宗室駙馬或館閣三司開封府刑部法官及典軍臣僚與玉津瑞聖園分互選

勝賜宴凡皇城東諸園榭入官者盡隸焉

玉津瓊林瑞聖宜春是為

四園苑

景德四年九月十三日邢昺知曹州賜宴宜春

苑 興國五年閏三月丁卯賜新及第舉人宴於

迎春苑

太平興國含芳園 祥符瑞聖園

會要瑞聖園在景陽門外道東初為北園太平興國二年詔名含芳以三班及內侍監領軍校兵隸及主典凡二百一十二人大中祥符三年監官王承勛言初泰山

天書至都奉安於此乞加崇飾詔改今名

九月丙子朔歲時

節物進供入內孟秋駕幸省歛穀實錫從臣宴飲賞賚園官嗇夫有差凡皇城諸園池入官者皆屬焉 咸平

六年正月三日宴宗室含芳園四年八月壬子觀稼祥

符六年八月至天禧元年八月三幸瑞聖園觀稼天聖

三年八月至皇祐元年八月凡七幸

天聖八年八月十一日幸瑞聖園觀

稼置酒苑門作釣容樂宴於苑殿
九年閏十月賜滌爽宴又賜詩

淳化潛龍園 奉真園

淳化三年九月二十四日甲寅幸潛龍園駐輦池東岸

臨水謂近臣曰朕不至此已十年昔尹京曰每嘗痛飲

倒載者無數今池邊之木已成喬林矣嗟嘆久之登水

心亭習射上中的者四

太祖乾德四年閏八月二十九日幸皇弟開封尹北園開寶八

年八月十六年十月十七年又幸

祥符元年三月甲子上巳宴近臣

於潛龍園宗室於瓊林苑帥臣於宜春苑三司副使判官館閣官於玉津園諸司使副於含芳園六年二月八年正月宴宗室于潛龍園

建炎金果園

建炎元年六月己未朔右相李綱至行在上聞綱且至命侍讀董耘往勞又命執政燕綱于金果園綱力辭上趣召入見于內殿

紹興玉津園

紹興十七年建玉津園

在龍山之北

明年正月己巳初幸是

園虜使賀天申節始燕射于是園

二十六年九月二十七日宴交趾使乾道

七年三月四日宴餞魏王

乾道淳熙間頗復燕射飲餞親王皆以為

講禮之所後又有德壽宮東園集芳園太上皇后下西

筮御園 乾道二年二月四日射于玉津園四年正月

二十一日八年正月二十八日九年閏正月二十八日

淳熙元年三月二十一日二年四月十八日六年七年

之二月八年十年之三月十二年四月十三年三月十四年三月皆幸玉津園元年九月十八日四年三月十日再幸宴射十年十一月十三日閱武畢又幸

淳熙聚景園

淳熙元年四月十二日詣德壽宮請太上同幸聚景園

在清波門外

二年二月二十日又幸三年三月十八日幸聚

景園四年三月二十六日幸六年三月九日恭請太上

皇太上皇后同幸

乾道八年正月二十八日幸天竺寺次幸冷泉亭慶元
六年三月十六日詣壽慈宮請壽成皇太后同幸開禧
二年三月十八日同

歷代園名

後漢

芳林 濯龍 華林

前魏

西園

後魏

華林
逍遙
芳林

後周

芳林
武遊

隋

平樂

唐

芙蓉
流杯
明水
陶光

五代

金鳳 玉津

六朝

桃花 華林 冶城

三十六國

逍遙 納賢 白雀

北齊

芳林 華林 遊豫

丹臺新錄所載

閼 瑤 玉圃

歷代苑名

前漢

上林 思賢 廣成 宜春 博望 樂遊

呼池 濯龍 甘泉 池陽 黃山 長楊

後漢

上林 廣成 長利 高望 始昌 萬歲

漢平 鴻德 顯陽 畢圭 靈昆 濯龍

魏

玄武

後魏

鹿野代

後周

道會 親會

隋

芳華 會通 河西

唐

芳華 神都 萬歲

五代

迎春

三十六國

文武 龍勝 赤龍 駮驥 華林 桑梓

六朝

樂遊 桂林 建興 青林 上林 婁湖

博望 靈丘 江潭 芳林 方山 長洲

同泰 白水

北齊

雙堂 元洲 仙都

池沼

圓曰池 曲曰沼

堯沔池

初學記潘岳關中記曰昆明漢武習水戰中有靈沼神池云堯時理水停船此池蓋堯時已有沔池漢代因而深廣耳

周靈沼 辟池

詩靈臺王在靈沼於物魚躍注沼池也言靈道行於沼也疏鄭駁異義云於臺下為囿沼三靈辟雍在郊益子文王以民力為沼而民歡樂之謂其沼曰靈沼與民偕樂故能樂也 黃圖周文王靈沼在長安三十里

校獵賦昆明靈沼之東注三秦記曰昆明池中有靈沼
神池 史封禪書豐鎬有天子辟池索隱曰即周天子
辟雍之地 穆天子傳天子休于元池之上乃奏廣樂
三日是曰樂池觴西王母于瑤池之上

齊昭華池

韓詩外傳齊景公出戈昭華之池

漢上林十池

百官表少府有上林中十池監注師古曰三輔黃圖云

上林中池上蘂五所而此云十池監未詳其數 霍光

傳安池監賞 黃圖十池上林苑有初池麋池牛首池

在上林苑

崩池

生崩草積草池中有珊瑚樹高一丈二尺一本三柯上有四百

六十二條南越王佗所獻

東陂池西陂池當路池大臺池郎池

西陂郎池

皆在古城南上林苑中陂郎二水名因為池

上林賦西馳宣曲濯鷓牛首

注張揖曰牛首池在上林苑西頭

括地志牛首池在雍州長安縣西北三十

八里

西京賦注黃圖曰甘泉宮中有牛首山霍光傳犖道牛首臣瓚注池名在上林苑中

初學

記漢上林有池十五所承露昆靈天泉龍魚崩茵鶴西

陂當路東陂大一牛首積草糜舍利百子 後紀章帝
建初元年七月辛亥以上林池籩田賦與貧人

漢鎬池

黃圖鎬池在昆明池之北即周之故都也廟記曰長安
城西周匝二十一里溉地三十三頃史記秦始皇三十
六年有人持璧遮使者曰為吾遺鎬池君 初學記秦
有蘭池鎬池 三秦記始皇作長池

漢昆明池 靈波殿 豫章臺 靈沼 神池

武紀元狩三年秋發譴吏穿昆明池注如淳曰食貨志以舊吏弄法故譴使穿池更發有貨者為吏也臣瓚曰西南夷傳有越舊昆明國有滇池方三百里漢使求身毒國而為昆明所閉今欲伐之故作昆明池象之以習水戰元狩四年作在長安西周回四十里

括地志云在雍州長安縣

西十八里元和志同

食貨志武帝時法益嚴吏多廢免兵革

數動民多買復及五大夫千夫徵發之士益鮮於是除千夫五大夫為吏不欲者出焉故吏皆譴令伐棘上林

作昆明池是時粵欲與漢用船戰遂乃大修昆明池列
館環之治樓船高十餘丈旗幟加其上甚壯天子感之
廼作栢梁臺高數十丈宮室之修由此日麗 五行志
元狩三年發天下故吏伐棘上林穿昆明池 西域贊
廣開上林穿昆明池 西京雜記武帝作昆明池欲伐
昆明夷教習水戰因於其上游戲養魚給諸陵廟祭祀
又曰昆明池刻石為鯨魚每至雷雨魚常鳴吼鬣尾皆
動漢世祭之以祈雨 黃圖昆明池武帝元狩四年穿

在長安西南三輔舊事曰池地三百三十二頃

一作蓋地三百

二十有百艘樓船上建樓櫓戈船各數十上建戈矛四

角悉垂幡葆麾蓋照燭涯涘池中有豫章臺及石鯨

曹毗

志經曰樓船上建樓櫓戈船上建戈矛又作二石人東西相對象牽牛織女以象天河漢宮殿疏曰有二石

人牛女象圖曰上林苑有昆明池周匝四十里廟記曰池中

後作豫章大船可載萬人上起宮室一說甘泉宮南有

昆明池池中有靈波殿皆以桂為柱風來自香池中有

龍首船常令宮女泛舟池中張鳳蓋建華旗作權歌雜

以鼓吹帝御豫章觀臨觀焉張衡西京賦曰昆明靈沼
黑水玄址武帝初穿池得黑土帝問東方朔云云三秦
記曰昆明池中有靈沼名神池云堯時治水嘗停船於
此池通白鹿原原人釣魚綸絕而去夢於武帝求去其
鈎三日見大魚銜索乃取鈎放之間三日復游池濱得
明珠一雙帝曰豈昔魚之報耶西都賦神池靈沼往
往而在注三秦記曰昆明池中有神池通白鹿原集豫章之宇臨昆明之池
左牽牛而右織女似雲漢之無涯後宮登龍舟張鳳蓋

建華旗 西京賦乃有昆明靈沼黑水玄趾周以金隄
植以柳杞豫章珍館揭焉中峙牽牛立左織女處右日
月於是出入象扶桑與濛汜旋憇乎昆明之池命舟牧
為水嬉浮鷁首翳華芝垂翟葆建羽旗齊棹女縱櫂歌
發引和校鳴葭奏淮南度陽阿感河馮懷湘娥 校獵
賦序曰武帝穿昆明池象滇河游觀侈靡窮妙極麗賦
曰昆明靈沼之東集靖冥之館以臨珍池灌以岐梁溢
以江河 西征賦乃有昆明之池日月麗天出入乎東

西朝似場谷夕類虞淵豫章名字披流特起儀景星於

天漢列牛女以雙峙

又關中記曰堯時已有汚池漢武因而深廣之

水經注

交水西至石碣武帝開昆明池所造有石閘堰在縣西

南三十二里

交水上承樊川御宿諸水

後郡禹傳伐赤眉南至長

安軍昆明池大饗士卒

唐許敬宗傳高宗

顯慶三年十月問

昆明池是漢何年開對曰因鎬之舊澤穿池元狩三年

事也周蘇綽傳文帝與公卿往昆明池觀漁

又隋開皇十三

年七月丁巳幸昆明池

括地志豐鎬二水皆已堰入昆明池無

復流派 長安志昆明池在長安縣西二十里今為民田

漢太液池

清淵

詳見建章宮

昭紀始元元年春二月黃鵠下建章宮太液池中公卿上壽賜諸侯王列侯宗室金錢各有差注如淳曰謂之液者言天地和液之氣所為也臣瓚曰太液池承陰陽津液以作池也師古曰如瓚之說皆非也黃鵠大鳥一舉千里太液池者言其津潤所及廣 西京雜記大液

池邊皆彫胡紫葳節叢滿生蒲之類菰菰有米長安人
謂為彫葫葳蘆之米解者謂之紫葳胡之有首者謂綠
節其間鳧雛鴈子布滿充積又多紫龜綠鱉池邊多平
沙沙上鸛鷓鴣鶴交鵠鴻鵠動輒成羣大液池中有鳴
鶴容與清曠採菱越女等舟始元元年春黃鸝下太液
池帝為歌曰黃鸝飛兮下建章羽肅肅兮行蹒蹒金為
衣兮菊為裳唼喋荷苻出入蒹葭自愧菲薄愧爾嘉祥
三輔黃圖太液池在長安故城西建章宮北未央宮

西南太液者言其津潤所及廣也關輔記曰

長安志作關中記

建章宮北有池以象北海刻石為鯨魚長三丈漢書曰

郊祀志建章宮武帝作北治大池漸臺高二十餘丈名曰太液池中

起三山以象蓬萊方丈瀛州刻石象魚龍奇獸異禽之

屬廟記云建章宮北池名太液周迴十頃有採蓮女鳴

鶴之舟三輔舊事曰日出暘谷浴於咸池至虞淵即暮

此池象之成帝常以秋日與趙飛燕戲于太液池以沙

棠木為舟沙棠木造以雲母飾於鷁首一名雲舟又刻

大桐木為虬龍彫飾如真夾雲舟而行紫桂為柁柁今
太液池尚有避風臺即結裾之處 長安志三輔舊事

曰建章宮北作清淵又曰清淵北有鯨魚刻石為之

西都賦前唐中而後太液 校獵賦序漸臺秦液象海

水周流方丈瀛洲蓬萊 西京賦前開唐中彌望廣濶

顧臨太液滄池潏沆漸臺立於中央赫眡眡以弘敞清

淵洋洋

注三輔舊事曰建章宮北作清淵海

神山峩峩列瀛洲與方丈夾

蓬萊而駢羅長風激於別島起洪濤而揚波浸石菌於

重涯濯靈芝於朱柯海若游於元渚鯨魚失流而蹉跎

三輔故事池北岸有石魚長三大廣五尺西岸有石龜二枚並長六尺

東都賦太液昆

明鳥獸之囿

漢百子池

黃圖在宮內高祖七月七日臨百子池作于闐樂正月
上辰出池邊盥濯食蓬餌以祓妖邪三月上巳張樂池
上

漢唐中池

黃圖唐中池周迴十二里在建章宮太液池南 西都

賦前唐中而後太液覽滄海之湯湯揚波濤於碣石

海畔

也山激神岳之將將濫瀛洲與方壺蓬萊起乎中央

建章宮其

西唐中數十里唐庭也

漢西陂池

上林賦日出東沼入乎西陂李善注漢宮殿簿曰長安

有西陂池東陂池

漢滄池

黃圖滄池在長安城中舊圖云未央宮有滄池言池水
蒼色影娥池武帝鑿以翫月其旁起望鵲臺以眺月影
入池中亦曰眺蟾臺鶴池在長安城西盤池在西北並
廢冰池在長安西舊圖云西有彪池亦名聖女泉 初
學記長安記曰建章宮有太液滄池中築漸臺

漢琳池 桂臺

黃圖昭帝始元元年穿琳池廣千步池南起桂臺以望
遠東引太液之水池中植分枝荷一莖四葉狀如駢蓋

日照則葉低蔭根莖名曰低光荷以文材為船木蘭為
柁刻飛鷹翔鷁飾船首起商臺於池上 古文苑昭帝

淋池歌曰秋素景兮泛洪波

見拾遺記

揚雄羽獵賦集於

靖冥之館以臨珍池

漢少府飲飛外池 池籩

黃圖少府飲飛外池漢儀注飲飛具矰繳以射鳧鴈給
祭祀故有池 元紀初元二年三月詔罷少府飲飛外

池嚴籩池田假與貧民

如淳注與黃圖同
晉灼曰嚴籩射苑也

宣紀地

節三年十月詔池籩未御幸者假與貧民注應劭曰池
陂池也籩禁苑也

漢安邑鹽池

見鹽類

漢酒池

張騫傳行賞賜酒池肉林令外國客徧觀 西域傳贊
設酒池肉林以饗四夷之客 黃圖秦酒池在長安城
中廟記曰長樂宮中有魚池酒池武帝作以夸羌胡飲

以鐵盃重不能舉皆抵牛飲西征賦云酒池監於商辛
追覆車而不悟 史記正義括地志云漢太上皇廟在
雍州長安縣西北長安故城中酒池之北 元和志酒
池在長樂宮中武帝所作

漢蒲池

郊祀志文帝親拜霸渭之會

二水之合也

五帝廟臨渭其北

穿蒲池溝水注師古曰為池而種蒲字或作滿

漢濯龍池

見宮及園類 李雲傳帝在濯龍池 初學記東漢有
九龍御龍靈芝白石濯龍天泉池

漢鴻池

續志鴻池丞二百石注鴻池池名在雒陽東二十里

安紀永初三年三月癸巳詔以鴻池假貸貧民注續漢
書曰在洛陽東二十里假借也今得漁採其中 桓紀

永興元年三月丁亥幸鴻池 趙典傳桓帝時侍中帝
欲廣開鴻池典諫曰鴻池泛漑已且百頃猶復增而深

之非所以崇唐虞之約已遵孝文之愛人也帝納其言
而止 楊賜傳先帝之制左開鴻池右作上林不奢不
約以合禮中注鴻池在洛陽東上林在西 東京賦洪

池清蘩淥水澹澹

注同安
帝紀

水經注穀水又東注鴻池

陂百官志曰鴻池池名也在洛陽東二十里丞一人二
百石池東西千步南北千一百步四周有塘池中又有
東西橫塘水溜逕道故李尤鴻池陂銘曰鴻澤之陂聖
王所規闢源東注出自城池其水又東注合七里澗

文選注李尤洪池銘曰漸臺中起列館參差 藝文類
聚晉張載洪池陂銘曰開源東注出自城池漸臺中起
列館參差惟水泱泱厥大難訾

漢壁水

見明堂類

魏靈芝池 靈沼

紀黃初三年十一月是歲穿靈芝池四年五月有鷄鵒
集池上詔曰詩人所謂汙澤也曹詩刺共公遠君子而

近小人豈有賢智之士處于下位乎否則斯鳥何為而
至其博舉俊德茂才獨行君子以答曹人之刺 晉宮
閣記靈芝池有鳴鶴舟指南舟 文選景福殿賦建凌
雲之層盤浚虞淵之靈沼 注沼名 魏明引穀水過九龍
前為玉井綺欄蟾蜍含受神龍吐流使博士馬均作
司南車水轉百戲魚龍曼延

魏天淵池

紀黃初五年穿天淵池

一本云七年三月
從行天淵池帝論伐蜀事

楊暨
水

經注天淵池在洛陽池中有魏文帝九華叢殿基 宋
志魏明帝天淵池南設流杯石溝燕羣臣 晉宮閣記
天淵池有升進曜陽飛龍射獵舟 後魏興安二年二
月乙丑穿天泉池 江總芳林園天淵池銘曉川漾璧
夜浪浮金 梁武帝有首夏泛天淵池詩

魏芙蓉池

文選魏文帝芙蓉池作詩乘輦夜行遊逍遙步西園

魏疏圃池

玄武池

見水
戰類

初學記魏在鄴有淥水瓊華疏圃玄武靈芝池在洛有

天泉

池中築九華臺

流杯幽泉陰流鳴鶴池西晉有舍利都亭

靈芝濛汜

張載作賦

潛靈淥池東晉有清游流杯池宋有天

泉華林池

池有雙蓮同幹芙蓉異花並蒂

後魏有鴻鴈流化池梁有閭

豫池

池有龍影五米遂鑄銅龍其上

晉濛汜池

張載賦激逆渠於千金永濯洛之長川天子乘玉輦時

遊遊排金門出千秋造淥池鏡清流

載傳云為濛汜賦

魏明

帝鑿濛汜池種芙蓉於中

晉西池

列傳溫嶠太子起西池樓觀嶠上疏

明帝為太子時立

謝安出鎮廣陵帝出祖于西池獻觴賦詩 劉毅帝

大宴於西池有詔賦詩 江道諫鑿北池及立閣

道

宋天淵池

宋書元嘉十年七月己丑華林天淵池芙蓉異花同蒂

選注引潘尼上巳日會天淵池詩

梁昆明池

武帝紀有五色雲浮於華林園昆明池

後魏流化池

孝文宴羣臣於流化池

唐昆明池

紀高祖武德九年三月庚寅幸昆明池習水戰壬辰至

自昆明池

舊紀武德六年三月乙未幸昆明池宴百官
元年三月辛卯幸昆明池 一本云三年六

月癸丑幸昆明池宴從官
賜錢五年正月壬子幸

太宗貞觀五年正月癸酉獵

于昆明池

會要正月十三日大蒐上謂高昌王言樂事有三太宗有冬日臨昆明池詩云石鯨分

玉溜云云 代宗大曆二年二月壬子幸昆明池

安樂公主傳嘗請昆明池

為私沼帝不許自鑿定昆池延袤數里

定昆池在長安縣西南十五里

長安志昆明池漢時有深六尋其袤十里德宗貞元

十三年

七月舊紀云八月丁巳

命京尹韓皋充使浚之乃追尋漢

制引交河及豐合流入于池作堰而通焉

修石炭賀蘭兩堰并造土

堰車刻銘用錢七千四百二十貫

太和三年又命京兆府浚之 張仲

素有賦 白居易賦詔開八水注恩波千介萬鱗同日
活動植飛沈皆遂性皇澤如春無不被 李庾西都賦
御水分溝昆明下流在野灌溉入宮環洲

唐月池賜宴

儒學傳張後裔字嗣宗高祖鎮太原引為客以經授太
宗即位進燕王咨議從王入朝召見乃賜宴月池令羣
臣以春秋酬難帝曰朕昔受大義於君今尚記之嗣宗
頓首謝曰陛下乃生知臣叨天功為己力罪也帝大悅

唐春苑池

閻立本傳太宗與侍臣汎舟春苑池見異鳥容與波上
悅之詔坐者賦詩而召立本侔狀

唐積翠池

魏徵傳太宗宴羣臣積翠池

在洛陽宮西苑

酣樂賦詩徵賦西

漢其卒章曰終藉叔孫禮方知皇帝尊帝曰徵言未嘗

不約我以禮 寶錄貞觀十一年十一月辛酉

冊府元龜作辛

丑宴積翠池帝賦尚書曰日昃翫百篇臨燈披五典夏

康既逸豫商辛亦沈湎恣情昏主多克已明君鮮滅身
資累惡成名由積善特進魏徵得西漢曰受降臨軹道
爭長趣鴻門驅傳渭橋上觀兵細柳屯夜宴經栢谷朝
遊出杜原終藉叔孫禮方知皇帝尊 通鑑貞觀十一

年三月庚子上宴洛陽宮西苑泛積翠池謂侍臣以隋
為戒 本草圖云漢積翠池中有珊瑚 隋閱散
樂於東京芳華苑積翠池側 隋樊子盖陪宴積
翠池

唐曲江池

又見紫雲樓及漢宜春宮

漢元紀宜春下苑師古注曰即今京城東南隅曲江池

是 歐陽詹有記 乾元元年五月己亥於曲江池投

龍祈雨太和九年潘昆明曲江二池 孔戢傳為京兆

尹歲旱文宗憂甚戢躬祠曲江池一夕大雨 漢司馬

相如賦臨曲江之隄州

秦隄州漢樂游原隋鑿為池

唐龍首池

實錄玄宗先天二年三月甲戌帝以旱親往龍首池祈

禱有赤蛇自池而出雲霧四布應時雨文宗開成元年

三月庚申幸龍首池觀內人賽雨甘澤屢降中外感悅

帝賦莫春喜雨詩百官屬和 會要元和十三年二月

浚龍首池起承暉殿雕飾綺煥太和九年十月

舊紀云七月戊

中詔左軍二千人填龍首池以為鞠場 岐陽公主傳

開第昌化里疏龍首池為沼

唐隆慶池 龍池

詳見龍池樂章及龍池頌

興慶池

舊紀中宗景龍四年四月乙未幸隆慶池張樂結綵為

樓宴侍臣泛舟戲樂命賦詩 玄宗賜宅於隆慶坊所

居宅外有水池浸溢頃餘望氣者以為龍氣 會要開

元二年閏二月祠龍池六月蔡孚獻龍池篇公卿已下

一百三十篇太常考其合律者為樂章十首 十六年正月庚申制

曰飛佳氣於在田之際 湧瑞日於或躍之池 十八年十二月二十九日有龍

見于興慶池因祀而見也 一本又云十九年五月壬申京師旱帝親禱興慶池是夜

大雨乙亥裴光庭奏宣付史館 七月甲戌久旱又親禱翌日大雨 貞元十三年 舊紀四月壬戌

幸興慶宮龍堂祈雨有白鷓鴣浮沈水際後果大雨 舊紀

乙丑
大雨
六典所居之東有舊井忽涌為小池至景龍中

為龍池焉
張九齡頌曰濯濯靈泉洞冥皇祇滋液流

行化為神池曰止曰行惟聖之作匪鱣匪鮪惟龍之躍

五聖在天丕命曾孫高視河洛同符玄元亦有黃龍出

於靈沼明明穆穆天子之表
初學記蘇瓌馬懷素興

慶池侍宴應制詩

唐廣仁池
破
福源池

地理志鄭州管城縣有僕射陂後魏孝文賜僕射李冲

因以為名天寶六載更名廣仁池

會要云廣仁池

汴州開封縣

有福源池本蓬池天寶六載更名福源並禁漁採會

要天寶六載正月二十九日詔今陽和布氣蠢物懷生在於含養必期遂性其萊陽僕射陂陳留蓬池宜斷採

捕仍改名云

初學記大梁有蓬池續述征記大梁西南七十里尉氏縣有蓬池

唐九成宮東臺山池

王勃賦序云松峯桂壑紅泉碧磴金石千聲雲霞萬色

唐放生池

會要乾元二年三月己丑肅宗命史元琮張延玉宣詔

天下州縣臨江帶郭處各置放生池始洋州興道訖于

昇州凡八十刺史顏真卿述碑銘一章乞御書題額立石

吳興碑云成湯存一面之網漢武致銜珠之答

賀知章傳求周宮湖數頃

為放生池賜鏡湖剡川一曲 劉餗傳記梁武帝崇奉

釋氏置放生池謂之長命洲唐太平公主於京西極地

贖水族之生者置其中謂之放生池 藝文類聚梁元

帝有荊州放生亭碑 放生池碑孝經傳所記率

以好生為盛德於民既然物亦以之故魚鱉咸若
志於書靈臺物躍歌於詩信及豚魚系於易毋麇
毋卵戒於月令推放麇之仁孟孫從而託子斷泗
淵之罟魯君以為得法童兒不捕將雛之雉廉掾
知其有仁心乃若奪命鼎息轉之清波舍枯肆之
歸而遂函生之樂則金仙氏之說實倡之 列子
邯鄲之民以正旦獻鳩於簡子曰正旦放生示
有恩也

唐寶應靈慶池

地理志河中府安邑有鹽池與解為兩池大曆十二年
生乳鹽賜名寶應靈慶池 韓滉傳滉判度支大曆十
二年秋潦敗河中鹽滉奏池產瑞鹽帝遣諫議大夫蔣
鎮廉狀鎮還乃賀帝請置祠詔號寶應靈慶池

舊紀大
曆十二

年十月丁亥韓滉言之 道鑑十一月丙
辰蔣鎮還奏瑞鹽上表賀請置祠賜號

唐魚藻池

德宗舊紀貞元十三年七月壬辰浚湖渠魚藻池深五

尺

一本云幸魚藻池池
先深一文沒加四尺

順宗紀侍宴魚藻宮張冰嬉

綵艦宮人為擢歌

見宮類

穆宗舊紀元和十五年八月

壬辰發神策六軍二千人浚魚藻池

會要元和十五

年九月幸魚藻池大張樂觀競渡

唐蓬萊池

李絳傳憲宗嘗畋苑中至蓬萊池謂左右曰絳嘗以諫

我今可返也其見禮憚如此

畏直臣之諫而不敢盤于游畋

唐鑑元

和五年帝欲近獵苑中至蓬萊池西曰李絳必諫不如

且止 會要元和十二年五月

一本云閏五月己酉

新作蓬萊池

周廊四百間 韋處厚集序穆宗初為中書舍人侍游

蓬萊池延問大義退而進六經法言二十編 李德裕

詩注學士初上賜食皆蓬萊池魚鱠 雍錄蓬萊池在

東內之北其欲往獵則禁苑也

唐凝碧池 臨碧池

會要寶曆二年六月幸凝碧池觀魚

舊紀云六月辛酉幸凝碧池今兵士

千餘人於池中取大魚長大者送入新池

敬宗紀寶曆三年六月辛酉觀

魚子臨碧池

在苑中亦見王維詩

六典東都禁苑有凝碧之

池

太宗御製述聖賦序因茲餘隙乃修苑囿其勝地

則有積翠凝碧其川阜則有濯龍平樂

唐珠池

懿宗紀咸通四年七月辛卯朔弛廉州珠池禁

唐九洲池

東京記東都城有九洲池在仁智殿之南歸義門之西其池曲象東海之洲居地十頃水深丈餘魚鳥翔泳花

弁羅植 國史志內園有九江池

唐壁水

禮志皇帝御明堂讀時令設羣官於壁水東之門外

通典

云壁水東門之外

文官在北武官在南俱西上 明堂位正義

案異義今戴禮說盛德記曰明堂其外有水名曰辟廱

水經注建隆講武池

見水戰類

太平興國金明池

見水戰類 祥符二年四月丁亥賜金明池善泅軍士
緡錢先是每歲為競船之戲車駕必臨視之嘉祐二年
三月二十三日命契丹使觀金明池水嬉賜宴瓊林苑
熙寧三年四月三日元豐二年四月辛丑幸觀水嬉

樂史獻金明池賦召為三館編修李昌齡獻詩百韻太
宗嘉之擢直史館

祥符泰山玉女池 記

祥符元年議東封先營頓置泰山頂有玉女池

寶錄云泉素

壅而濁至是泉忽湍清泚甘美工徒賴以汲用經度制
度使王欽若請濬治之池側有石像頗摧折九月詔皇
城使劉承珪易以玉石辛酉像成召宰臣觀於崇政殿
西序遣使礮石為龕奉置舊所欽若致祭十月己丑上
作記示輔臣庚戌上步自御幄觀玉女泉命王旦等觀
聖製石記 水經注具茨山澗水出其阿而流為
陂俗謂之玉女池 隋開皇十七年五月宴百寮
於玉女泉

祥符凝祥池

八年五月癸巳詔會靈觀池名凝祥

即舊池導志
民河注之

園名

奉靈十一月丁巳幸 元豐五年正月十四日幸六年
十一月九日幸元祐四年正月十四日幸

祥符象瀛山池

後苑有象瀛山池 祥符九年二月二十七日後苑觀

太宗御書移幸流杯殿泛觴登象瀛山翠芳亭遂宴玉
宸殿 汴都賦寶閣靈沼魏莪泛艷綠以重垣防以回

隄雲屋連移瓊闌壓堦恍渴渥與方壺帝令鬼鑿而神
移

紹興放生池

紹興十三年五月乙亥中書舍人楊愿請做唐乾元及
國朝故事詔天下置放生池工部郎中林义請以臨安
府西湖為放生池從之 景德四年三月乙巳召輔
臣對苑中過山亭臨放生池天禧元年十一月壬寅
詔淮南江南荆湖治放生池

淳熙放生池

淳熙三年十二月十七日詔西湖係放生池不得採捕

歷代池名

前漢

昆明 太液 積草 百子 唐中

魏

虞淵沼 蘭渚 玄武 靈芝 天淵

後魏

碧海 玄武 天淵 流觴 鴻鴈代同 天泉

神泉 旋瀉

隋

積翠 凝碧 芳夏 九曲 九洲

唐

蓬萊 龍首 魚藻 太液 定昆 興慶

三十六國

清源一作涼 靈芝 綠連

六朝

天泉 清遊

北齊

金華

丹臺新錄所載


藥淵 瓊池

津名

玉醴 琅園 空同 始暉 滄浪 曜靈

山名

金庭 龜竹葉 金華 鬱絕 三秀嶺



玉海卷一百七十一